

[9/10] Item potten sein geschickt worden von dem künigreich zu Hungern und Sachssen und Sibenbürgen in der zal LV in die Walachey. Die ließ der Dracole fünff wochen haren und ließ spis für die herberg^k stecken. Also sein dy in großen sorgen gewesen. Das hat er darumb getan, er forcht verreterey. Dieweill zog er in Wurtzland und zerstreuet das getrait^l und all frucht ließ er verprennen^m. Und das volck ließ er gefangen führen ausserhalb der Kronstatt⁹ also genant, do hat der Dracole geruet pey Sant Jacobs capelen¹⁰. Er hat vorstatⁿ lassen verprennen. Auch alß der tag deß morges früe^o kam. Do / ließ er frawen und man, jung und alt, pey der capellen umb den berck^{p11} lassen spissen und hat sich mitten untter sie gesetzt. Und das morgenmal mit freüden geessen.

[10/11] Item er hat auch sant Bartholomeuskirchen^{q12} lassen verprennen und all ornat unnd kelch von dannen^r genomen^r.

[11/12] Mer hat er seiner hauptman einen in ein groß dorff geschickt mit namen Zeinding¹³ zu verprennen^s. Aber derselb hauptman mocht das dorff nit verprennen^t von widerstant wegen der dorfleüt. Und kam wider haym zu dem Dracole. Und sprach: „Ich hab nit mügen verpringen, dz^u du mich gehaissen hast.“ Von stund an ließ er den hauptman spissen.

[12/13] Item kaufleüt und ander volck mit irer kaufmanschatz^v kommen von Wurtzland gegen der Tunaw¹⁴ gen Pregel¹⁵ in zal CCCCCC. Die hat der Dracole alle^w lassen spissen. Unnd ir gut lassen nemen.

[13/14] Item er hat lasen machen ein grossen kessel und darüber bretter mit löchern gemacht und hat die leüt mit den haupteren^x durch lasen schieben und also versperren lassen. Und hat den kessel mit wasser lasen füllen und hatt gros feür untter den kessel lasen machen und das volck also jemerlich lasen schreien, piß sie gar versotten sein. /

- | | | | |
|------------------------|-------------------|---------------------------|----------------|
| k) herbrig MA. | l) getraid MA. | m) verbrennen MA. | n) forstat MA. |
| o) frwe MA. | p) perck MA. | q) Bartholomeskirchen MA. | r) dann |
| genummen MA. | s) verbrennen MA. | t) verbrennen MA. | u) das MA. |
| v) kauffmanschatzs MA. | w) all MA. | x) haubteren MA. | |

9) Kronstadt (Braşov).

10) Nicht eindeutig zu identifizieren.

11) Womöglich die Zinne, der Hausberg von Kronstadt.

12) St. Bartholomäus in der oberen Vorstadt von Kronstadt.

13) Zeiden (Codlea).

14) Donau.

15) Bregel (Braila).